

古今尺牘大觀
中編二



中華書局發行

新古文辭類纂稿本

全二十四冊定價五元 特價二元八角 郵費每部二角

姚惜抱古文辭類纂選擇精審
體例完善治古文者翕然宗之
王氏續選繼起有清中世之文
略備惟近代之文去吾人愈近
研習愈亟而選本缺乏學校教
課學子研究均覺不易搜羅難
窺全豹諸暨蔣瑞藻氏勤於讀
書見有可資諷誦之文字輒手
書之積之數年蔚成大觀本局
商取手寫稿本付諸石印以應
社會之亟需

著錄各名家一覽

薛福成	黎庶昌	張裕釗
吳汝綸	王先謙	楊 峴
黃遵憲	孫詒讓	譚嗣同
王闓運	嚴 復	易順鼎
繆荃孫	劉師培	陳寶琛
沈曾植	康有爲	林 紆
廖 平	唐文治	陳三立
鄭孝胥	張 謇	蔣智由
章炳麟	梁啟超	馬其昶
樊增祥	吳增祺	羅振玉

此外尚有百餘人不具錄

中 華 書 局 發 行

西 洋 拳 術

全書一冊

定價三角

是編節述西洋拳
之各種應用、各
種打擊法。以及
手足之部位。拳
法之姿勢。條舉
例備。頗極詳明
。

日 本 柔 術

全一冊

三角五分

柔術爲武技之精蘊
。與體育上有莫大
之關係。是書爲徐
桌呆先生譯自東籍
。對於柔術精妙。
譯說甚詳。並列圖
百五十餘。一一均
有圖解說明。教授
自修。均極適用。

古今尺牘大觀 中編

第二冊

目錄

達情類

恬淡

宋蘇軾答畢仲舉書

宋蘇軾與王慶源書

宋黃庭堅與潘邠老書

宋楊時與鄒堯叟書

宋文天祥與朱太博埴書

元許衡與竇先生書

明陳獻章與左行人廷弼書

明魏校答黃起亨書

明陸深答張君玉書

明陸深與楊東濱書

明王廷陳寄余子書

明王寵答湯子重書

明徐獻忠與王履吉書

明唐順之與李少卿中麓書

明錢薇寄王龍溪書

明薛應旂答葉敘諭書

明茅坤復丹徒邑諭唐白野書

明王世貞答殷無美書

明宗臣報張助甫書

明張元忬寄鄧定宇書

明馮時可上大司空石東泉書

明屠隆與王辰玉書

明屠隆與陳立甫書

明屠隆與錢淵父書

明屠隆與朱文臣吏部書

明袁宏道與蕭允升祭酒書

明董應舉與張鍾石書

明繆昌期答沈君聚書

明程先達與友書

牢騷

宋陳亮與呂伯恭正字書

元倪瓚答張藻仲書

明唐寅與文徵明書

明王廷陳寄舒子書

明徐獻忠復張西谷書

明宗臣報謝山人書

明歸有光上萬侍郎書

明馮時可與尤鄧林書

明屠隆答胡從治開府書

明余寅答屠長卿書

明謝肇淛京邸與人書

明熊廷弼答陳赤寰書

明俞琬綸與周玉繩書

抒懷

宋張詠答王觀察書

宋尹洙答福州蔡正言書

宋歐陽修與尹師魯書

宋歐陽修回丁判官書

宋王安石與參政王禹玉書

宋王安石答王該祕校書

宋蘇軾答李端叔書

宋黃庭堅與秦太虛書

宋周必大與張真父舍人震書

宋陳亮復何叔厚書

宋陳文蔚答江會之書

元劉因上宰相書

元吳澄復董中丞書

明楊守陳與少詹事徐時用書

明李夢陽奉邃菴先生書

明李夢陽答左使王公書

明陸深與夏公謹都諫書

明楊慎與金鶴卿書

明徐獻忠與張玄超書

明王慎中與熊南沙書

明唐順之與張龍坪兵備書

明唐順之答萬思節參政書

明錢徽與西泉兄書

明薛應旂復谿田馬公書

明茅坤答董潯陽中允書

明王世貞致黎惟敬書

明王世貞致張助甫書

明汪道昆與陳直指書

明宗臣報姜使君書

明申時行答鄒南皋吏部書

明歸有光與徐子言書

明徐渭答李長公書

明鄒元標柬劉雲嶠太史

明楊起元與朱虞封書

明屠隆與陳伯符書

明屠隆與李之文書

明茅維與吳翁晉書

明臧懋循上潘司馬書

明余寅答王百穀書

明袁宏道與劉子威書

明王在晉復大參魯公鳴宇書

明謝肇淛寄徐興公書

明董應舉與卜立齋書

明周順昌與高景逸總憲書

明范景文與李赤城書

明黃尊素與來馬湖書

明姚希孟柬范少參長白

雜類

宋蘇軾答試館職人啟

宋蘇軾答陳師仲書

宋黃庭堅與明叔少府書

明朱應登與朱黃門書

明徐獻忠與唐子迪書

明尹臺上少傅介溪翁書

明王世貞與吳子充書

明王世貞致李于鱗書

明宗臣報李于鱗書

明徐渭答叔學張君書

明馮時可與莫後朋書

明屠隆與呂玉繩書

明屠隆與陸君策書

明茅維與潘朗叔書

明王在晉與僉憲李公書

明姚希孟答沈虎臣書

古今尺牘大觀 中編

第二冊

杭縣姚漢章

纂輯

吳縣何實睿

達情類

恬淡

宋蘇軾答畢仲舉書

軾啟。奉別忽十餘年。愚瞽頓仆。不復自比於朋友。不謂故人。尙爾記錄。遠枉手教。存問甚厚。且審比來起居住勝。感慰不可言。羅山素號善地。不應有瘴癘。豈歲時適爾。旣無所失亡。而有得於齊寵辱。忘得喪者。是天相子也。僕旣以任意直前。不用長者所教。以觸罪罟。然禍福要不可推避。初不論巧拙也。黃州濱江帶山。旣適耳目之好。而生事百須。亦不難致。早寢晚起。又不知所謂禍福。果安在哉。偶讀戰

國策見處士顏蠋之語。晚食以當肉。欣然而笑。若蠋者可謂巧於居貧者也。菜羹菽黍。差飢而食其味。與八珍等。而既飽之餘。芻豢滿前。惟恐其不持去也。美惡在我。何與於物。所云讀佛書及合藥救人二事。以爲閑居之賜。甚厚。佛書舊亦嘗看。但闇塞不能通其妙。獨時取其麤淺假說。以自洗濯。若農夫之去草。旋去旋生。雖若無益。然終愈於不去也。若世之君子。所謂超然玄悟者。僕不識也。往時陳述古好論禪。自以爲至矣。而鄙僕所言爲淺陋。僕嘗語述古。公之所談。譬之飲食。龍肉也。而僕之所學。猪肉也。猪之與龍。則有間矣。然公終日說龍肉。不如僕之食猪肉。實美而真飽也。不知君所得於佛書者。果何耶。爲出生死。超三乘。遂作佛乎。抑尙與僕輩俯仰也。學佛老者。本期於靜而達。靜似懶。達似放。學者或未至其所期。而先得其所似。不爲無害。僕常以此自疑。故亦以爲獻。來書云。處世得安穩無病。麤衣飽飯。不造冤業。乃爲至足。三復斯言。感歎無窮。世人所作舉足動念。無非是業。不必刑殺無罪。取非其有。然後爲冤業也。無緣而論。以當一笑而已。

宋蘇軾與王慶源書

竄逐以來。日欲作書爲問。舊旣懶惰。加以閑廢。百事不舉。但慚忤而已。卽日體中何如。眷愛各佳。某幼累並安。但初到此。喪一老乳母。七十二矣。悼念久之。近亦不復置懷。寓居官亭。俯迫大江。几席之下。雲濤接天。扁舟草屨。放浪山水間。客至多辭。以不在往來。書疏如山。不復答也。此味甚佳。生來未嘗有此。適知之。免憂近文郎行。寄紙筆與叢郎。到甚遲也。未緣會面。惟萬萬自愛。

宋黃庭堅與潘邠老書

得手教。承行李到淮陽安穩。甚慰。俗間酒中。亦得磊落人。知此道者。否。不肖沉埋塵土中。已成流俗人。時時夢想。猶有曩時江湖雲月。爾思欲弄舟風煙之外。嬰縛似未有脫期。永懷方外之人。自是宿債。輕不可更作。繭自纏縛也。相望千里。無緣奉面。唯強飯自愛。

宋楊時與鄒堯叟書

遞中伏辱賜教。并以詩見酬。辭精旨遠。深用欽服。非君子篤於故舊。何以及此。幸甚幸甚。仍審秋涼。起居萬福。又良慰也。某窮居下邑。與世不相聞。出無所之。行無所從。閉門一室。聊以自娛。俯仰几席之間。游泳詩書之淵。雖鄙鈍無所得。然與世之競紛華。冒聲色。以昏聾其耳目者。較之。其亦足樂矣。惟是不親師友之訓於中。不無歉然也。未涯趨會。切希爲國自壽。

宋文天祥與朱太博埴書

某山中相望。數舍而遠。乃心精微。無往不通。僕十年受用。順境過當。天道反覆。咻者旁午。七八月以來。此血肉軀。如立於砧兒之上。螫粉毒手。直立而俟之耳。僕何所得罪於人。乃知剛介正潔。固取危之道。而僕不能變者。天也。僕誠不自意。乃於寒舍千步外。得一陂陀。溪山泉石。四妙畢具。委曲周遭。可十餘里。蓋其景趣兼盤谷環滁而有之。而其曠遠縹緲。或謂南樓劣焉。騎馬囊飯。朝往夕還。率以爲常。而山外事一毫不接耳目矣。僕嘗羨君家山水之勝。幾欲作意植杖其間。而未能也。

然自以爲旦夕必償所願。不知吾壺天可以屈公。一來乎煙霞泉石。此不足與俗子說處。知音者自不同。正恐不問主人徑造竹所。余月心來拱被寶墨。惡乎而不用吾情。適凝祥觀蕭道士來訪。其別也曰。吾將造古平。爲之書以復命。且道予懷而假道士爲郵焉。某比及門卽拜狀。聞車騎在郊外。正欲嗣訊。韓星忽來。偉然朶雲之贈。故人渠渠。勞苦行役。諸兒那識此意。曉起入山。新流沒岸。棋聲未盡。石骨依然。人生往往如此。盈虛消息。道體流行。仁者謂仁。知者謂知。可超然一笑。承有訪刺之約。上巳前後。擬山行數日。須主人在竹所。方可乘興分沙一席。已戒白鷗退避矣。呼燈走筆。馳意沆寥。

元許衡與寶先生書

老病侵尋。歸心急迫。思所以上請。未得其門也。邇來相從。實望見教。不意復有引薦之言。聞之踉蹌。且驚且懼。邸舍中懇陳所以不可之故。至於再三。始蒙惠許。違別三數日。復慮他說閒之。不終前惠。是用喋喋。重陳向來懇禱不可意。嘗謂天下

古。今。一。治。一。亂。治。無。常。治。亂。無。常。亂。之。中。有。治。焉。治。之。中。有。亂。焉。亂。極。而。入。於。治。治。極。而。入。於。亂。亂。之。終。治。之。始。也。治。之。終。亂。之。始。也。治。亂。相。循。天。人。交。勝。天。之。勝。質。揜。文。也。人。之。勝。文。犯。質。也。天。勝。不。已。則。復。而。至。於。平。平。則。文。著。而。行。矣。故。凡。善。惡。得。失。之。應。無。妄。然。者。而。世。謂。之。治。治。非。一。日。之。爲。也。其。來。有。素。也。人。勝。不。已。則。積。而。至。於。偏。偏。則。文。沒。不。用。矣。故。凡。善。惡。得。失。之。迹。若。謬。焉。者。而。世。謂。之。亂。亂。非。一。日。之。爲。也。其。來。有。素。也。析。而。言。之。有。天。焉。有。人。焉。究。而。言。之。莫。非。命。也。命。之。所。在。時。也。時。之。所。向。勢。也。勢。不。可。爲。時。不。可。犯。順。而。處。之。則。進。退。出。處。窮。達。得。喪。莫。非。義。也。古。之。所。謂。聰。明。睿。知。者。唯。能。識。此。也。所。謂。神。武。而。不。殺。者。唯。能。體。此。也。或。者。橫。加。己。意。欲。先。天。而。開。之。拂。時。而。舉。之。是。揠。苗。也。是。代。大。匠。斲。也。揠。苗。則。害。稼。代。匠。則。傷。手。是。豈。成。己。成。物。之。道。哉。卽。其。違。順。之。多。寡。乃。其。吉。凶。悔。吝。之。多。寡。也。生。平。拙。學。認。此。爲。的。信。而。守。之。罔。敢。自。易。今。先。生。直。欲。以。助。長。之。力。擠。之。傷。手。之。地。是。果。相。知。者。所。爲。耶。無。益。清。朝。徒。重。後。悔。豈。交。游。之。汎。不。足。爲。之。慮。耶。抑。真。

以樗散爲可用之材也。相愛之深。未應乃爾。若夫春日池塘。秋風禾黍。夏未雨蠶老麥收。冬將寒。困盈箱積。門喧童稚。架滿琴書。山色水光。詩懷酒興。拙謀或可以辦此也。是以心思意嚮。日日在此。安此樂此。言亦此。書亦此。百周千折。愛期得此。而後已。先生不此之助。而彼之助。是不可。其所可。而可其所不可也。其可哉。將愛之。實害之。萬惟恕察。言不能隱。恬悚息待罪。

明陳獻章與左行人廷弼書

片腦大惠也。前次寄示傑作。兼喻以風水所宜。感慰之極。不審比日起居何如。秋且盡矣。拉何山人。駕扁舟出扶胥口。東望羅浮。鐵橋之勝。遂登飛雲。訪朱明洞天。此其時乎。因想足下。能飄然自適。益覺某之匏繫於病。爲可厭也。近稿十數首。錄在別紙。早晚東遊。則此紙或可隨行。有至飛雲頂者。且令從者歌之。爲我通一語。於山靈也。呵呵。黃秀才行。令犬子專此馳候。基茗山蕉。貧者之獻於人。止此。勿笑。明魏校答黃起亨書

久不挹碧梧翠竹之姿。時入懷抱。鑑湖風月無恙否。雲霞出海。其樂何如。校多病杜門。聊以拙自修。時出觀化。俯仰宇宙。氤氲寥廓。欣然會心。物我俱忘。觀來書。似猶以舊事芥蒂。願開拓心胸。虛名在人世間。譬猶閒雲在天。浮漚在海。聚散起滅。何常之有。語曰。達人大觀。無物不可。狂言何如。常甫久不聞起居。煩叱姓名致意。

明陸深答張君玉書

深北方臥病杜門。忽承令郎枉顧。強起以野服奉見於寓樓。追念長者二十年之遊從。知遇豈夢寐耶。及拜手教。累幅委曲誠款。洞出肺肝。具見長者風神精采。無任欣慰。深尋愛最早最深。今老矣。不自量。力輕犯世故。憂患頻仍。心志衰耗。賴先人之業。足以自適。近築一隱居。當三江之合流。頗有竹樹泉石之勝。又累土作三山。遇清霽景候。可以望海。其下葺退居之室。榜曰靜勝。今年四十有九矣。因命其左齋曰知非。右齋曰知還。靜勝之後。復作一堂。度明年可成。成卽當題曰知命。但不敢爾。醫藥稍暇。時時燕處其中。大懼以筆硯爲累。卽辨一味枯坐耳。何由得奉。

長者一經其處。隨意點染。悉成勝槩。跂想如何。

明陸深與楊東濱書

僕夜歸宿山中。晨起觀初日散影。遙田滿地。皆白雲。以輓輿經過。瀾漫靄霏。俯見城郭。此身真在天上。須臾扁舟亂流。如汎瀛洲。還坐南榮。映日從兒子寫漢書。一段方啜新稻飯。一盂此樂。恨不與東濱共之。急足報去。能乘興來此一話如何。

明王廷陳寄余子書

春仲晤令兄。悉子幾死奇禍。得失夢幻。無足芥蒂。更計子首夏經黃。必得駢展。謔浪信次布歡。臨江遲侶。獨往微吟。數而不數。今晨書來。乃知仙舟徑泊鄂渚矣。令我欷歔移時。涕泗交下。豈緣偃蹇。感慨易生。誠以二三良知。星處莫覲。僕已繫匏。子復塌翼。過此不晤。世路風塵。恐再覩無由耳。僕林居無營。每引曲自適。上不慕古。下不肖俗。爲疏爲嬾。不敢爲狂。爲拙爲愚。不敢爲惡。高竹林之賢。而醜其放懷。三閭之忠。而過其沈。智鴟夷之逝。而污其富。每景物會意。輒命酒自歌。酒不盡量。